

PRIMLJENO: 05-09-2023			
Organizaciona jedinica	Klasifikaciona oznaka	Redni broj	Broj priloga
02	SD-6	16-9/23	

DŽEMAL SMAJIĆ

Delegat u Domu naroda Parlamentarne skupštine BiH

Broj:

Sarajevo: 05.9.2023.godine

**PARLAMENTARNA SKUPŠTINA BOSNE I HERCEGOVINE
DOM NARODA**

n/r predsjedavajućeg Nikole Špirića

VIJEĆE MINISTARA

MINISTARSTVO SIGURNOSTI

n/r ministra Nenada Nešića

U skladu sa čl. 155. i 156. Poslovnika Parlamentarne skupštine Bosne i Hercegovine ("Službeni glasnik BiH" br. 58/14, 88/15, 96/15 i 53/16), najavljujem postavljanje usmenog delegatskog pitanja na 9. sjednici Doma naroda Parlamentarne skupštine Bosne i Hercegovine koja će biti održana 5. 9. 2023. godine.

DELEGATSKO PITANJE

"Šta poduzima nadležno ministarstvo kako bi se građani u cijeloj državi osjećali sigurnima"?

Vidljivo je da je ta sigurnost narušena.

Obrazloženje

Sve su učestaliji napadi na povratnike u manjem bh. entitetu. Od Općih izbora u oktobru 2022. godine, do danas, bilježimo nekoliko napada na povratnike i oni su sve učestaliji. Neposredno pred održavanje današnje sjednice napadnut je povratnik Nedžad Drinjak u opštini Višegrad. Prije nekoliko dana desila su se dva uzastopna napada na povratnike u selu Gornja Kamenica kod Zvornika. Prije nekoliko mjeseci imali smo težak fizički napad i pljačku dvoje starijih ljudi, Fadila

i Ajše Memišević u Višegradu, dok je u Srebrenici - gdje sam i sam bio na licu mjesta - pretučen mladić Osman Mehanović.

Javnost je svjedočila zatvaranju i premlaćivanju maloljetnika kojeg je zatvorila policija manjeg bh. entiteta. Dječak je doživio teški šok i traume. U isto vrijeme, za otvorene javne prijetnje Bošnjacima u Bjeljini, nije odgovarao maloljetnik sprske nacionalnosti.

Svi nabrojani koji su napadnuti su Bošnjaci.

Također, prije nekoliko dana, napadnut je katolički svećenik Žarko Vujica u Kaknju koji je opljačkan. Ono što posebno uznemirava jeste blokiranje saobraćaja na tzv. entitetskim linijama koje je organizovao Odbor za zaštitu prava Srba u FBiH. Đorđe Radanović je pozvao građane manjeg bh. entiteta da dođu na "međuentitetsku granicu" na mirno okupljanje koje organizuju kao podršku za Milorada Dodika i Miloša Lukića protiv kojih je Tužilaštvo Bosne i Hercegovine podiglo optužnicu.

Ko je i zašto odobrio takve skupove koji mogu prerasti u nered

Incidenti koji su se desili kod Jelaha blizu Tešnja mogli su eskalirati u veće nemire da stanovnici Tešnja nisu bili pribrani i izbjegli takve provokacije.

Delegat u Domu naroda
Parlamentarne skupštine BiH
Džemal Smajić

